



Concello da Laracha

Praza do Concello, s/n - 15145 A Laracha - A Coruña

Tlf: 981 605 001 / Fax: 981 606 331

Sede Electrónica: <https://sede.alaracha.es>

R.E.L. Nº 01150413

C.I.F. P-1504200-E

www.alaracha.es

MARTA VÁZQUEZ GAREA, secretaria do Concello da Laracha, A Coruña, dacordo cos datos que figuran nesta Secretaría do meu cargo, salvo erro u omisión involuntaria, **CERTIFICO** que, o Pleno do Concello da Laracha, en sesión extraordinaria celebrada o 10/10/2022, adoptou o seguinte ACORDO:

3.- MODIFICACIÓN DA ORDENANZA HARMONIZA: CONCILIANDO NA LARACHA.-

Elaborada a ordenanza reguladora do programa HARMONIZA: CONCILIANDO NA LARACHA, foi sometida a consulta previa de conformidade co previsto no artigo 133.1 da Lei 39/2015, de 1 de outubro, do Procedemento Administrativo Común das Administracións Públicas, co obxectivo de mellorar a participación dos cidadáns no procedemento de elaboración de normas, respecto da cal a funcionaria encargada do rexistro informa que non se teñen presentado suxerencias e/ou alegacións. Emitido informe proposta pola secretaria do Concello o 15/03/2022.

Por outra banda, tendo en conta o previsto polo art. 133.4 da Lei 39/2015, cando a proposta normativa non teña un impacto significativo na actividade económica, non impoña obrigacións relevantes aos destinatarios ou regule aspectos parciais dunha materia, poderá omitirse a consulta pública regulada no apartado primeiro.

É necesario modificar a dita ordenanza no referente ao horario de prestación do servizo durante os períodos de vacacións escolares, debido a que figura o horario de 8:00 a 14:00 e vista a demanda das persoas usuarias faise necesario ampliar o horario do servizo de 7:00 a 14:00, polo que o artigo 2 “**prestación do servizo**”, apartado 3, quedaría como segue: “*Prestarase o servizo en horario de 7:00 a 14:00 durante os períodos de vacacións escolares (Nadal, Entroido, Semana Santa e Verán), previa solicitude*”.

Asímesmo é necesario modificar a dita ordenanza con respecto ao número máximo de prazas dispoñibles para o CEIP Otero Pedrayo durante o curso escolar e na etapa das vacacións escolares, debido a que figuran 80 prazas e vista a demanda das persoas usuarias neste centro escolar e o número de alumnos e alumnas matriculadas faise necesario ampliar o número a 120 prazas, polo que o artigo 2 “**prestación do servizo**”, apartado 6, quedaría como segue: “*O número máximo de prazas dispoñibles para cada centro educativo durante o curso escolar e na etapa das vacacións escolares queda establecido do seguinte xeito:*

- *CEIP Otero Pedrayo: 120 prazas.*
- *CEIP Alfredo Brañas: 35 prazas.*
- *CEIP Caión: 20 prazas.*
- *Período de vacacións escolares: 120 prazas”.*





Concello da Laracha

Praza do Concello, s/n - 15145 A Laracha - A Coruña

Tlf.: 981 605 001 / Fax: 981 606 331

Sede Electrónica: <https://sede.alaracha.es>

R.E.L. Nº 01150413

C.I.F. P-1504200-E

www.alaracha.es

Realizada a tramitación legalmente establecida, en virtude dos artigos 22.2.d) e 49 da Lei 7/1985, de 2 de abril, Reguladora das Bases do Réxime Local, foi aprobada polo Pleno definitivamente en sesión ordinaria de 27 de maio de 2022 e publicada no BOP do 16 de xuño de 2022.

En virtude dos artigos 22.2.d) e 49 da Lei 7/1985, de 2 de abril, Reguladora das Bases do Réxime Local, cos votos a favor da unanimidade dos membros presentes O PLENO **ACORDA:**

PRIMEIRO. Aprobar a modificación da Ordenanza municipal REGULADORA DO PROGRAMA HARMONIZA: CONCILIANDO NA LARACHA

SEGUNDO. Someter dita Ordenanza municipal a información pública e audiencia dos interesados, con publicación no *Boletín Oficial da Provincia* e taboleiro de anuncios do Concello, polo prazo de *trinta día* para que poidan presentar reclamacións ou suxestións, que serán resoltas pola Corporación.

Simultaneamente, publicar o texto da Ordenanza municipal no portal web do Concello co obxecto de dar audiencia aos cidadáns afectados e solicitar cantas achegas adicionais poidan facerse por outras persoas ou entidades.

TERCEIRO. De non presentarse reclamacións ou suxestións no mencionado prazo, considerarase aprobada definitivamente sen necesidade de acordo expreso polo Pleno e o Acordo de aprobación definitiva tácita da Ordenanza, co texto íntegro da mesma, publicarase para o seu xeral coñecemento no taboleiro de anuncios do Concello e no *Boletín Oficial da Provincia*

E para que conste os oportunos efectos, expido o presente, de orde e co visto e praxe do sr. alcalde, José Manuel López Varela, que asino na Laracha

Esta certificación expídese antes de ser aprobada a acta correspondente e a reserva dos termos que resulten da súa aprobación, de conformidade codispoto no artigo 206 do Regulamento de Organización, Funcionamento e Réxime Xurídico das Entidades locais. (Real Decreto 2568/1986, do 28 de novembro).

